




8207-
-8211

kat.ko.kp

Augustianie

215



W K
nòw
nyc

ORATIO FUNEBRIS

Inter annua Inferiarum solemnia

ALMÆ SODALITATIS

LATINÆ MAJORIS

SUB TITULO

MARIÆ

Gloriosè in Cœlos Assumptæ

In

Academico Societatis JESU Collegio

Olomucii erectæ, & confirmatæ,

Pro

Piis Ejusdem Sodalium Manibus dicta,

ORATORE

REVERENDO, ac DOCTISSIMO PATRE

P. JOANNE SLESINA

è Societate JESU,

AA. LL. & Philosophiæ Doctore, in Alma, Cæsarea,

Regia, ac Episcopali Universitate Olomucensi Theol. Moralis

Professore Regio, Publico, ac Ordinario, nec non

Facultatis Philosophicæ Seniore.

Annô MDCCLII. die Mensis Augusti.

CUM LICENTIA ORDINARI.

Olomucii in Metropoli Moraviæ, Typis Francisci Antonii Hirnle.

Aug. 8210

ORATIO.



Quod luctuosissimum olim ad communem hominum mœrorem faciebat quàm plurimùm , cùm charissimos quosque à se identidem avelli, & inevitabili mortis legi subiectos, umbris mancipari cernerent; id mira hodie conversione adeò luctuosum, atque triste videri non debet, ut potiùs uberem gaudendi, atque sortem beatam gratulandi copiam sufficiat. Esto Xerxes ille Persarum Rex potentissimus, orbis timor, ac tremor, devictis Regibus, subjugatis regnis, & provinciis, subrutis montibus, ipsi etiam oceano injectis compedibus, mœrore victus, lacrymis immaduerit, cùm è sublimi loco infinitam hominum multitudinem, & innumerabilem exercitum contuitus animò reputaret, post centum annos nullum eorum, qui tunc oculis obversarentur, superfuturum; alio tamen vultu mortis nunc contuemur inclementiam, siccis oculis, serena fronte, spectamus funera, non lacrymis, sed faustissima gratulatione iusta persolventes.

Enim verò quid aliud consilii tibi, in hunc suggestum me evocanti insedit Alma Sodalitas? nisi ut Sodalibus tuis à sæculo, & ultrà vitâ functis, quorum magna hoc iterum anno facta est accessio, debitas cum gratulatione laudes publico nomini concinnarem? Nec abs re: à quo enim gloriosa cœli, terræque Regina, Mater Omnipotentis, Admirabilis vitæ Genitrix triumphantem Filium suum, devicta morte, secuta est assumpta in cœlos, jam indè mœror, atque luctus, sin minùs absces-

sit

fit penitus, primas certè celebritati lætissimæ, atque gaudiis detulit, propterea: quòd vitæ mortalis terminus initium est beatoris, nullos unquam terminos habituræ, mórque ipsa, quæ lacrymas, & tristitiam prius attulit, DEI Matris servos, ac filios perfectos, beatósque efficit, adeò, ut eorum virtus, & felicitas nulli jam obnoxia sit mutationi.

Et quanquam non ità sensum omnem exuisti Alma Sodalitas, ut in tot, tantorúmque corporum funere, nè levi quidem mœrore tactam, te persentiscas, quandoquidem sinè dolore non amittitur, quod cum amore possidetur, nec innubi fronte ab eorum consuetudine divellimur, quos sanctum amoris mutui vinculum arctiùs nobis copulavit, tamen mœrorem, quantuscunque is est, prospera eorum sorte, de qua non in vanum confidere licet, ità temperas, ut uberrimo gaudìo, atque tenero animi gestientis solatio detractum nihil videatur.

Inde lugubrem quidem apparatus doloris, ex amore nati testem, more recepto instruis, funerique charissimorum tuorum mœstitia quadam parentas; simul autem erectò, nec spe melioris fortis excussò animò tripudia destinās, gratulationes exigis, felicitatem eorum, quos amissos doles, oratione prosequendam mihi committis Oratori, bene gnara mortem eorum, qui totos se Vitæ Genitrici, Gloriosæ Virgini in coelos assumptæ mancipio dederunt, non tam vitæ esse terminum, quàm beatoris, quæ cumulata bonorum omnium, & nunquam interitura possessione gaudet, esse initium. Et meritò: Tu namque sub auspiciis Omnipotentis Matris viventium congregata nihil commune cum deploranda morte habes, Tu filios tuos in sinum Vitæ, quæ vitam genuit, contulisti, Tu mortis horridæ horror facta, arcus, & sagittas ejus confregisti, Te Vita, & Victoria sequitur.

Quod dum ego hodie voluntate tua ad honorem Gloriosæ Virginis in coelum assumptæ, Sodalium defunctorum virtuti meritum encomium, viventium solatium, & virtutis incitamentum, non tam demonstrare, quàm jam dudum demon-

stratum repetere meditor, Te ego Senatus, Populêque Mariane,
vósque Auditores humanissimi benevolas favere aures, & di-
cere parantem auscultare patienter, flagito, ut velitis.

Cùm Sodalibus tuis sortem beatam, omnique voluptate re-
dundantem post fata obtigisse, non vanus augur assertum
eo, nihil ego à veritate alienum, nihil insolens, atque incon-
sultum, nihil denique à majorum institutis, communique Ec-
clesiæ sensu molior abhorrens; Tametsi enim certum quid, at-
que exploratum omnino de eorum statu non habemus, quos
transactò mortalis ævi cursu æternitas sinu excepit suo, aut
merita laturos præmia, aut pro demeritis luituros supplicia,
utrà autem harum fors huic præ illo obtigerit, absque divini ju-
dicii manifestatione unumquemque nostrum fugit; tamen ve-
hemens adeò pro his stat faustissimæ sortis præjudicium, qui
se Magnæ Dominæ servulos, Patronæ clientes, Matri viventi-
um filios, dum vita suppeteret, addixere, ut eandem dubiò
procul indeptam gratulari nos posse, meritò confidamus.

Neque hæc mea duntaxat, aut aliorum magnificentius,
atque ad inanem laudationem exquisitiùs, quàm veriùs senti-
entium est opinio, omnes, quibus sanior, atque à rerum divi-
narum, humanarumque notitia instructior est intelligendi vis,
& perspicacitas, uno id mecum ore enunciant, unanimi suf-
fragiò stabiliunt, ambiguitate depulsa confirmant. Quid?
quòd & ipsa SS. Paginarum Authoritas inconcussa, haud ob-
scure ad ità sentiendum nos inclinare videatur.

Enim verò quid est, quòd sapientissimus post homines na-
tos, Solymæ Monarcha in suis, afflante divino Spiritu, signa-
tis, atque mysteriorum plenis proverbiiis, absque eo, ut dubio
locus sit, enuntiet, eos vitam inventuros, & salutem à Domi-
no hausturos, qui sapientiam invenirent? Quid est, quòd bea-
tos prædicet, qui custodiunt vias ejus, dicto audientes sunt,
vigilant ad fores illius quotidie, & observant ad postes ostii illius?
Equidem satis perspectum habeo istud de Increata Sapientia, ex-
actissimè omnia ad præstitutos fines suos ordinante, accipi de-
bere;

bere; per Illam etenim DEUS ab æterno concepit, dixit, & fecit omnia, per Illam, velut Ideam sapientissimam, architectatus est cœlum, terram, totumque universum. Verum si reconditiores Oraculorum divinorum sensus, mysteriæque literæ inclusa, quantum humanæ imbecilitati fas est, sollicita indagatione inquiramus, non minùs verè, quàm appositè de Increata Sapientiæ Matre, Vitæ Genitrice MARIA idipsum intelligi oportere, manifestè perspiciemus.

Nam hæc augusta illa cœli, terræque Domina est, quæ mundo mortuo vitam genuit, Salvatorem dedit: quidnî, qui hanc continuo obsequiorum, & pietatis filialis genere invenerint, vitam pariter se invenisse, salutemque hausisse gaudeant? Hæc illa, quæ toto cœlo aberranti humano generi veram beatitudinis viam aperuit, cùm purissimis visceribus eum in lucem dedit, qui Via, Veritas, & Vita est: quidnî beati, qui viam ejus custodiunt? Hæc illa Mater Admirabilis, quæ ab æterno sinè Matre genitum Verbum Salutis, temporibus præstitutis carne velatum, ad recuperandam, quæ amissa erat, beatitudinem absque Patre protulit: quidnî beati, qui dicto ejus audientes sunt? Hæc demum illa aurea cœli Janua, in qua cardo salutis humanæ vertitur, per quam aditum ad se, felicitatemque sempiternam patere voluit Numen benignissimum: quidnî tæque, quaterque felices sint, qui ad fores has quotidie vigilant, & hyperdulica pietate, ad postes illius observant? Certè qui dignè coluerit illam, justificabitur;

Jam verò si tantum vel ex hoc capite beatæ fiduciæ habemus argumentum, quid est quod nos anxia solitudine de Sodalium, vitâ functorum, sorte ancipites etiamnum detineat? & non potiùs ingenti fiducia erectos, sentire faciat, actum illis, quam cum quibus optimè, nec tam mortem illorum temporalem lugubri lamentatione, quàm vitam sempiternam faustissima gratulatione prosequendam? Ego sanè ita mecum statuo, piis Sodalibus tum maximè obsequii Mariani sui fructum efflorescere, cùm marcent membra, immitique falce vita succiditur, tum eos vitæ assertos lætissima beatitudinis luce perfrui, cùm

superatâ ultimâ mortem inter, & vitam luctâ, depositum carnis pondus tristibus sepulchri umbris committitur, tum eos tranquilla, & pacata habere omnia, cùm de singulis videtur conclamatum. Esto namque: plenissimus periculi sit ille mortis, & vitæ acriter conflantium articulus, quo de tota æternitate decernitur, certa nihilominus de morte spes est victoriæ, ubi Vitæ Genitrix filiis suis subsidio est, atque præsidio. Facile est, non ambigite Sodales Mariani! prælium inire, è Turri eburnea hostem provocare, facili præsentē Terribili, ut castrorum acie ordinata dimicantem propugnante, hostiles insultus comprimere, facili in Janua cœli mortem prosternere, noménque consequi immortale.

At enim: utcunque istud exploratum sit, atque extrâ dubitationem positum, unum tamen animis vestris AA. insidere haud obscurè intelligo, quod, quo minùs dictis meis assensum omnino præbeatis, etiamnum prohibere videtur. Video vos ultro asseveratione vestra sententiam meam comprobare, capite annuere, & summa voluntate orationi meæ acquiescere, cùm de Matris DEIPARÆ potestate maxima, & voluntate piissimâ quidpiam ad aures appellit, agnoscitis, nullâque vos inter, & me controversia intercedit, cùm maximum robur, ac præsidium Vitæ Genitricis erga clientes deprædico, sententiæ meæ absque cunctatione subscribitis, vestramque aggregatis, cùm quid fiduciæ in hac cœli, terræque Regina mortalibus repositum sit, stricta, atque imbecilli oratione prosequor. Verùm an præpotentem Matris intemeratæ amorem adesse sibi meritū sint filii, haud paucis culpis obnoxii, an robur, præsidiumque Vitæ Genitricis impensum sibi senserint mortales labiles, an cùm terras linquerent, cœlorum adita penetrare potuerint cœli, terræque Reginae famulantes tot, tantique lutō fragili compaginati servuli, hîc enim verò spem inter, & metum animus fluctuat, suspensō judiciō veremini.

Non succenseo AA., neque enim is ego sum, qui indiscriminatim, atque temere, velut arcanorum divinorum conscius, omnes eos hæreditatem divinæ gloriæ adiisse asseram, quicunque

que Sodalium, filiorum Marianorum nomine censentur; audax sim, atque consilii impotens, istud si vobis coram non stabilire modò, sed inconsultò etiam dictò asseverare contendam; Non hoc meum propositum, nec tuum Alma Sodalitas, in laudem tuorum dicere jubentis, est desiderium, illud ajo, quod & sentire de Piissimæ Matris benignitate licet, & de Vitæ Genitrice decet, eos nimirum, qui non nomine duntaxat, sed morum probitate etiam, virtutum studiis, vitæ ad leges divinas, Marianasque compositæ integritate se veros MARIÆ filios, Patronæ clientes, Dominæ servulos præstare connisi sunt, ad eam, de qua loquor, beatitatem, ut conjicere fas est, pervenisse.

Tales autem haud exiguo numero fuisse, quos syllabo tuorum insertos legebas Alma Sodalitas, profusò eloquiò demonstraverim, prolixiori mihi esse si liceret. Vellem hìc ego, Oratori foret facultas, ità compendiarìa narratione singula omnigenarum virtutum decora ingenerandi animis, quemadmodum vastissimæ quæque regiones, spatiosissimi terrarum tractus geographices beneficiò angusta in tabula fidelibus subjiciuntur oculis, sperarem equidem fore, ut non piam minùs religiosissimarum virtutum scenam, quàm illustre heroicorum facinorum intuerè theatrum, quod emerita Sodalium tuorum pietas triumphantibus MARIÆ filiis in spectaculum, militantibus adornavit in incitamentum.

Enim verò spectandum hic objicerem zelum erga Matrem intemeratam, quo illam in publicis processibus supplices honorârunt; Objicerem Eucharisticum ardorem, quo inter Mariana solemnia in hac basilica panem Angelicum intimis præcordiis receperunt, extensas in cælum palmas, quibus gliscentem in animo pietatis favillam, in lucem produxerunt, propitium sibi, & Orbi Numen reddiderunt. Objicerem poenitentis animi gemitus & lacrymas, quibus in nævis conscientiae emaculandis vultum dolentem irrigârunt, altissimam humilitatem, qua, Orbis Magistri pressuri vestigia, ad abluendas egentium Sodalium plantas quot annis se se abjecerunt, profusam liberalitatem, qua inopiam eorundem sublevârunt; Munificentiam,

tiam, qua vel ex ultima voluntate, aut congenito benefaciendi desiderio ærarium Marianum locupletârunt. Objicerem ardentem charitatem, qua migrantibus è mortalitate fœderatis animabus hostiâ propitiatoriâ ad interminabilem gloriam adiutum fecerunt.

Quanquam quid est, quòd de objiciendis cogitem, quæ dudum ità in oculis versantur omnium, ut simul in animis & ore circumferantur universorum. Vestra virtutum appello monumenta pii Sodalium Manes! qui ab anni unius curriculo vivis exempti, tanto nihilominus vivitis amplius, quantò virtutis, & pietatis vestræ decora in virenti memoria vivunt augustius. Nihil nunc in truculentam mortem invehor, cujus inclementia migravit in amorem, furor in favorem, vulnus in salutem, funus in vitam. Namque hæc beatarum mentium est conditio, ut dum moriuntur, vivant, dum extinguuntur terræ, accendantur cœlo, imò inter cineres felicius etiam vivat mundo virtutis meritum. Istud ut exploratum, atque extrâ controversiam positum omnino habeatis AA. agite, mecúmque virtutem vel in cinere legite, urnas verente palpebra inspicite, sin minùs omnium, quod temporis prohibent angustiae, eorum certè, quorum existimatio, atque dignitas oculos intentos, animúmque meritò postulant, & erit, ut perspecta vel in paucis virtutum immortalium ornamenta manifestum faciant, quàm præclare de cæteris pariter, qui eodem Marianò institutò vitam suam moderabantur, sit existimandum.

Primus, cujus verendî cineres intentos nos esse jubent est: Reverendissimus, Illustrissimus, ac Excellentissimus D. D. Rudolphus S. R. I. Comes à Schrattenbach L. B. in Hegenberg, & Ostervitz, Dominus in Pragvald, Lemberg, & Salach, utriusque Sacræ, Cæsareæ, Regiæque Majestatis intimus, actualis Consiliarius, Cathedralis Ecclesiæ Olomucensis Canonicus, ad Sanctam Annam ibidem Rector perpetuus, nec non Regiæ Collegiatae Ecclesiæ in Monte Sancti Petri Brunæ Præpositus Insulatus.

Siste Viator !

Es grandia modicæ urnæ inserta lege merita :

Hoc uno sub marmore

Mirare ,

Illustrissimum , Reverendissimum , Excellentissimum ,

Ex his tribus concludes omnia.

Hunc

Sanguis Illustrissimum , Virtus Reverendissimum ,

Sapientia formavit Excellentissimum.

Cum Sanguine sublime Nomen traxit à Majoribus ;

Sed hoc ipsum factis suis illustrius reddidit :

Fumosas Majorum imagines

Suas arbitrabatur tenebras ,

Nisi hæreditariæ virtutis luce eas illustraret Nepos

Majore gloria.

Hæc

Virtutis comes individua cum sit ,

Indè abesse non potuit ;

Ubi virtus excelsior domicilium posuit ,

Sublimis hæc enituit ,

Purissimoque splendore intentos perstrinxit oculos.

Illa

Quò altiùs emeretur , latiùsque fulgorem spargeret ,

Sublimia non ambientem , in montem S. Petri evexit ,

Ecclesiæ Collegiæ Præpositum insulâ coronavit.

Tam sublimi locò constituta virtus nec Summos , nec imos latuit :

Mirati sunt imi ,

Summi meritos destinabant honores.

Vidit Aula Cæsarea Regiæque insulatum caput , in montis vertice eminere ,

Et virtuti junctam non vulgarem suspexit Sapientiam :

Hanc

Quò latiùs in bonum publicum dimanaret ,

Viennam ad intimorum conclavium consilia evocavit ,

Dum Ecclesiæ Præpositum ,

Magni Consilii voluit Angelum ,

Intimum Sac. Cæs. Regiæque Majestatis Consiliarium.

Tantis ornatus honoribus

Non inanè gloriabatur titulò ,

Sed ingentibus meritis

Reipublicæ quæ sacræ , quæ Politicæ satisfecit desiderio ,

Sacra cum profanis mirâ sapientiâ temperans.

B

Ad

Ad hæc
Qui publicis eximie versatus est in negotiis,
Privata cumprimis pauperum non dedignatus est curare commoda,
Hos ubique jacentes liberali erexit dexterâ,
Divite consolatus eleemolyna,
Genuinus Matris misericordiæ filius.
Sic divino honori augendo,
Bono publico, & privato pauperum intentus,
Mundo vivere desit, Brunæ 31. Julii 1751.
Æternum victurus.

Alter, cui emenso labilis vitæ cursu æternum beatam gratulamur, est Reverendiss. ac Illustriss. D. D. Wilhelmus Felix S. R. I. Comes, & Dominus à Rogendorff, Lib. Bar. de Mollenburg, Dominus in Reitz, & Gedownitz, Cath. Eccl. Olom. Canon.

Quam Gratia, & Natura
Spem Reipublicæ promittebat maximam,
Invida, truculentâque mors subito, immitique fatô fefellit,
Et tumultu sepelivit,
Cum Virum hunc Illustriss. & Reverendiss. florente etiamnum ætate stravit.
Valentem optimè subito ferali aggressa est jaculô,
Sed improvisè, aut in imparatum irruere non potuit,
Quem triduo antè pane fortium roboratum deprehendit.

Istud ut esset,
MARIANA disposuit pietas,
Qua incitatus solemnia Mariæ de Portiuncula
Piissimè suscepit colenda,
Sacramento pœnitentiæ à noxis absolutus,
Epulôque divinò refectus.

Sic:
Quod Virginis gloriosæ impensum voluit honori, & amorì,
Mater amore vinci nescia, in bonum vertit amanti,
Ut in fortitudine cibi illius ambularet, usque ad montem DEL.
Non ambige!

Felix infelici licet ad speciem fatô diem clausit ultimum,
Qui nullum, dum viveret, claudi passus est
Quo non Matrem viventium coronæ precibus veneraretur.

Verùm
Tenuis amanti Mariæ filio visa est pietas,
Quæ animò tantum ferretur suò;

Huic

Hinc cura Ejus assidua, ut latius promoveretur in proximo ;
Hac effecit

Ut Slobii ad B. V. Matrem dolorosam nasceretur confraternitas,
Quæ numerosissimos dolenti Genitrici pareret consolationis filios,
Honori, & amorì Virgineo ex asse dicatos,
Cultusque Marianus se Authore etiam mortuo viveret in aliis.

His

Copiosè ad gratiarum fontem concurrentibus,
Nè deesset, qui gratiæ obicem tolleret,
De Sacerdote ibidem stabili providit,
Qui gratiâ exclusos Sacramentò reconciliationis conciliaret Filio,
Dignos Matris dolorosæ patrociniò.
Tam præclarè de se meritum

Amantem, & doloribus suis condolentem filium,
An in mortis doloribus deferere potuit Mater suorum amantissima?

Abstulit id existimes:

Adfuit, confide! robore suo, & præsidio

Quæ, ut adesset,

Ultimis morientis vocibus,

Quæ JESUM & MARIAM piissimè sonabant,
vocabatur.

Hoc defensus præsidio

Emisit spiritum,

Vita beatiore donandum.

3. Augusti.

E foro Ecclesiastico progressa ad civilem mortis inclementia,
Virum, cui primas pro merito detulit æquitas,
Communi omnium mortalium fato involvit

Est is

Prænobilis, Generos. Doctiss. ac Consultiss. D. Franciscus
Wilpert, Regiæ Urbis Olomucensis Primas, Almæ Congrega-
tionis nostræ ex ultima voluntate Benefactor.

Hunc

Glogovia in Silesia major luci publicæ dedit,

Manfvetioribusque disciplinis excoluit,

Excultum lætò animò excepit Olomucium,

Et reddidit Philosophum,

Urbs Bohemiæ Princeps Juris Consultum.

Nempe:

Patriâ majorem adhuc gessit animum, eandem linguens,

Bene gnarus Sapientiæ amanti esse Patriam quamvis mundi plagam
 Bohemiam inter, & Silesiam litigiò disceptantem,
 Suum dixit Moravia,
 Et variis cum laude, & boni publici emolumento exactis muniis,
 Nunc etiam sibi dolet ereptum.
 Sensere in Viro hoc uno, sed pluribus nato,
 Miseri Advocatum,
 Pauperes Patronum munificum,
 Iniquè læsi æquum arbitrum,
 Facinorosi justum judicem,
 Res arduæ Consulem,
 Consules ipsi nomine, & omine Primatem.
 Non mirum,
 Eum ex justitiæ legibus cuique suum tribuisse
 Qui adorando soli Justitiæ, farris nube tecto,
 Ter quor annis thronum, suum dicavit domicilium,
 Vir pii, æqui, justique tenax.
 Nec in his stitit Viri singularis probitas
 Ut de DEO, & proximo mereretur præclariùs,
 Non solis curis forensibus animum plurimum capacem arctari passus,
 Curas suas Ecclesiarum etiam bono libens, volensque addixit,
 Quarum proventus annis 26. peculiari auxit industriâ,
 Peculiò augendò intentus,
 Quod divino impenderetur cultui,
 De suo minùs sollicitus,
 De quo liberali manu erogavit in pauperes cumprimis Religiosos,
 Quos vel moriens in partem relictæ hæreditatis venire iussit,
 Mirandus, & imitandus Oeconomus.
 Tam multis intentus singula magnò curavit studiò
 Partes muniõrum omnes ità implevit,
 Ut expectationem etiam superaret.
 Testem hujus agit, agétque futuris deinceps sæculis
 Tabularium urbicum,
 Cujus tabulas, invictâ multorum annorum patientiâ,
 In utilissimum, & ad posterorum memoriam necessarium
 rededit ordinem.
 Sic cereæ adinstar candelæ, dum aliorum emolumento fulsit,
 Se ipsum consumpsit,
 Genuinus Magnæ Matris filius.
 Onustus meritis, exhaustus viribus, diem suum obiit,

27. Nov.
 Et

Et ad vitam meliorem abivit ;
Laborum præmia recepturus.

Tribus his nondum omnem exsaturavit rabiem mors truculenta ;
In forum denuò irruit Ecclesiasticum ,
Virumque summum dejecit in tumultum.
Nomen quæris ? Est :

Reverendissimus & Illustris D. D. Casparus Florentius de
Glandorff, Cath. Eccl. Olomucen. Prælati Primus Insulatus,
& Decanus.

Illustre hoc Nomen dum audis,
Fortissimum, & de Ecclesia meritissimum Athletam intellige,
Cujus sub labaro omnem militavit ætatem ;
Inauguravit illum virtus inter sacra conspicuum,
Sapientia in orbis urbe mirata est Theologum Eximium,
Insulata dignitas non summum fecit, sed invenit.
Emenso honorum gradus supremum Reverendissimi Capituli conscendit,
Non ut dignus esset,
Sed quia erat.

Non dignitatem illi Insula contulit,
Sed Authoritatem,
Cui ante suffragia jam merita honorem obtulerant insulatum.
Altò cum potestate locatus fastigiò Decanus Reverendissimus
Quàm imperiì parcus,

Tam exempli irreprehensibilis erat prodigus,
Mansuetudine æqualis omnibus, humilitate etiam inferior,
Solo munere superior videbatur.
Est hic verus gloriæ apex,
Invitam apparere :

Cùm tota laudabiliter factis emineant in vita,
Divinum quid habent modesti Virorum Illustrium animi
Ponunt & ipsi tenebras latibulum suum,
è quibus tamen, ceu soles nubibus intercepti,
Radios evibrant clariores,
Dignitatis fastigiò positi supra multos
Submissione eunt infrà omnes.

Talem semper suspexit Reverendiss. & Illustr. Casparum Florentium
Quis quis Virum summum pro merito æstimare novit.

Hinc non mirum
Humanissimo, dignissimòque capiti
Impositam fuisse primà cum potestate Insulam

Hanc tamen non sic adamabat,
Ut eandem amittere unâ cum relecto capite vereretur
Si Ecclesiæ discrimen quodpiam postulâset.

Nimirum :

Pro hujus immunitate stabat athleta fortis, constans, intrepidus
Imitorem diceret

Magni illius Cantuariæ Præsulis,

Ad sanguinis usque profusionem pro Ecclesia decertantis :
Ità non illi animus, sed hostis, qui caput ferrò peteret, defuit.

Hac ratione pro ruenda Ecclesia certare anhelantem

Mors quodam modo voti damnâsse visa est,

Dum Virum hunc Magnanimum ipsa in Ecclesia

Ministerio divino pro more vacantem ictu apoplectico stravit,

Insulam, pedumque cum vita eripuit.

Luxerunt Virum Maximum Cleri Ordines,

Deplorârunt Cives,

Non quasi infelici fato repentè oppressum :

Neque enim poterat fato meliori mori,

Ingentibus pro DEO, & Ecclesia positis meritis, cœlo maturus;

Sed velut præmaturè sibi, & Ecclesiæ ereptum.

31. Dec.

Mirare Viri tantè meritum !

Gratulare æternum præmium !

Sequere virtutis exemplum !

Ut inter mortales liberius mors grassaretur,

Eum, qui plurimos felici peritiâ ab instante morte vindicavit,

Moriendi legi subjecit.

Nimirum :

Prænobilem, Doctissimum, ac Excellentissimum D. Joannem
Baptistam Tranconi, AA. LL. Philos. & Medicinæ Doctorem,
Inclytorum DD. Statuum Marchionatûs Moraviæ Physicum.

In illo

Pueritiâ, an Juventutem,

An præ his virilem encomiò celebres ætatem ?

Meritò dubites :

Ità tota vitæ laudationis est materies.

In pueritiâ inquiris ?

Nisi annorum paucitatem in calculum voces, vix inveneris :

Sic morum honestate, pietate, politorum literarum profectû,

Virtutibus vel à puero antecellens,

Ætatem superare visus est.

De juventute percontaris ?

Severiorum disciplinarum scientia haud vulgari,

Ca-

Castisque, & inculpatis moribus instructa,
Admirationem aliorum meruit.

Virilem ætatem scrutaris?

num florens summorum, imorum, ordinum omnium
Sibi conciliavit amorem.

Nihil in Viro Excellentissimo repereris, nisi excellens;
Conversationem suavem, & amabilem; sed cautam, & circumspectam,
Sermonem affabilem; sed prudentem,
Vitam hilarem; sed intaminatam, & cœlibem,
Angelicæ virtutis nitore decoratam.

Virum adeò moribus probatum

Et singulari peritiâ medicâ tum in Austria, tum in Italia instructum,
Ac in primarum insuper Italiæ urbium nosocomiiis feliciter versatum,

Jure patrio Bruna suum voluit Medicum,

Ut ubi vitam cœpisset ipse, pluribus vitam servaret.

Et verò

Servavit pluribus, jam in confinio mortis constitutis,

Cum certatim evocatus

Incredibili charitate noctu, diùque solertem operam impendit

Nobilibus æquè, ac ignobilibus,

Pecuniosis, & pauperibus,

Pari, & infatigabili alacritate peritiâ suam addixit;

His insuper pharmaca propria, aut aliunde procurata

Absque pretio ministravit:

Meritissimus urbis, quin Provinciæ totius, & Inclytorum Statuum
Marchionatus Moraviæ Physicus.

Tam feliciter morti illudentem in aliis, à periculo vindicatis
mors, nè vinceretur, morbo non petiit;

Sed efferatis equis ad se raptatum tumulo injecit.

Non querulare Virum tantum fatò miserò excessisse,

Sed gratulare ex voto diem obiisse;

Morte nimirum, ut optabat frequentius, bonâ, & repentinâ;

Utrumque obtigisse, & casus, & vita docuit,

Pietas, & conscientiæ teneritudo manifestum fecit,

Quibus incitantibus pridie obitus Sacra Confessione expiatus,

Et inter lacrymas, intensissimosque affectus SS. Eucharistiâ refectus,

Optimè comparatus votorum terminum attigit. 2. Maji 1752.

Quod si tamen dolorem adfert Viri amissi memoria,

Illud dole!

Bonorum plerumque avara circumscribere tempora,

Ut

Seu fata, seu vota spectes,

Optimis quibusque gloriæ plurimum, .

Virtu;

Virtuti abunde,
Suis nunquam satīs vivere
Concedant fata.

Grandia adhuc supersunt Nomina,
Laudatione omnino dignissima,
Eorum cumprimis,
Qui ultima etiam voluntate
Se Mariani honoris ampliandi cupidos clientes,
Collatō in Sodalitatem beneficiō probavere,
Sunt hi:


Adm. Rev. Doctif. ac Præcell. D. Bernar. Pilotti AA. LL. &
Phil. Mag. SS. Theol. Baccal. Form. Tannovicensium Parochus,
Presb. jubilatus, obiit ibidem 22. Aug. 1751.

Adm. Rev. Doctif. ac Præcell. D. Matthæus Heinrich AA.
LL. & Phil. Magist. SS. Theol. Baccal. Form. Pauframensium
Parochus, obiit ibidem 13. Octobris.

Adm. Rev. Doctif. ac Præcell. D. Urbanus Schön, AA. LL.
& Phil. Mag. SS. Theol. Baccal. Form. Czeikovicensium Paroch.
obiit 18. Novemb.

Horum, aliorūque merita tanta cū sint,
Ut pro dignitate celebranda menses, non horam exigant,
Fastis beatæ (quam gratulamur) æternitatis
transcribo.

Et verò ultrà etiam eloqui volentem, nec temporis contra-
cti angustia finit, nec argumenti tractandi necessitas exigit. Spe-
ctasti Senatus, Populēque Mariane Sodalium tuorum, vitā fun-
ctorum, virtutes, & merita, non ignoras gloriosæ cælorum Re-
ginæ Matris viventium incredibilia in clientes, ac filios suos be-
neficia, meritis etiam majora; quid superest? nisi ut supremo vi-
tæ, & mortis Arbitro, salutis Authori, largitorique DEO, Opti-
mo, Maximo; secundū hunc autem Vitæ Parenti, Salutis Ma-
tri MARIÆ immensas pro tanto munere redhibeamus gratias,
suppliciter exorantes, ut qui tantæ Matris gaudemus patroci-
niō, pari subinde æternæ vitæ potiamur præmiō; interim ta-
men imitari non pigeat, quod ad DEI gloriam Beatissimæ sem-
per Virginis amorem laudare, & celebrare delectat



$$\begin{array}{r} 36 \\ 4 \\ \hline 80 \end{array}$$

$$\begin{array}{r} 15 \\ 65 \\ \hline 80 \end{array}$$

$$\begin{array}{r} 13 \\ 6 \\ \hline 19 \end{array}$$

$$\begin{array}{r} 1 \\ 2 \\ 3 \\ 4 \\ 5 \\ 6 \\ 7 \\ 8 \\ 9 \\ 10 \\ 11 \\ 12 \\ 13 \\ 14 \\ 15 \\ 16 \\ 17 \\ 18 \\ 19 \\ 20 \end{array}$$

$$\begin{array}{r} 65 \\ \hline \end{array}$$

$$\begin{array}{r} 4 \\ 16 \\ 45 \end{array}$$

$$\begin{array}{r} 12 \\ 16 \\ 19 \\ 21 \end{array}$$

$$\begin{array}{r} 40 \\ 46 \end{array}$$

Biblioteka Jagiellońska



std/0026634

